

Adresa: **UI.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-270-9/24**

Datum: **07.08.2024. godine**

„Agencija za vodno područje rijeke Save“ Sarajevo postupajući po zahtjevu Investitora „Euro-Asfalt“ d.o.o. Sarajevo za donošenje Rješenja o prethodnoj vodnoj saglasnosti u svrhu izrade dijela projektne dokumentacije za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog pogona za proizvodnju betona za potrebe izgradnje brze ceste Hrenovica-Hranjen-Goražde, Tunel „Hranjen“, na osnovu člana 109. stav (1) tačka 2. i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o prethodnoj vodnoj saglasnosti**

1. Investitoru, „Euro-Asfalt“ d.o.o. Sarajevo daje se prethodna vodna saglasnost u svrhu izrade projektne dokumentacije za aktivnost ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog pogona za proizvodnju betona kapaciteta 100 m³/h, predviđenog za gradnju na zemljištu označenom kao k.č. br. 1230/1, 1243 i dio 2184/13 K.O. Hrenovica, općina Pale za potrebe izgradnje brze ceste Hrenovica-Hranjen-Goražde, Tunel „Hranjen“, a u postupku pribavljanja urbanističke saglasnosti i okolinske dozvole ukoliko predmetni objekat i aktivnost podliježe obavezi ishodovanja okolinske dozvole.
2. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za korištenje vode, ispuštanje sanitarno-fekalnih otpadnih voda, a za čije je izdavanje nadležno Ministarstvo za privredu Bosansko-podrinjskog kantona Goražde u skladu sa članom 139. stav (2) tačka 1., 2. Zakona o vodama.
3. Prethodna vodna saglasnost se daje na osnovu činjeničnog stanja utvrđenog pregledom dostavljene dokumentacije i pod slijedećim uslovima:
 - 3.1. Da je planirana izgradnja pogona za proizvodnju betona kapaciteta 100 m³/h na zemljištu označenom kao k.č. br. 1230/1, 1243 i dio 2184/13 K.O. Hrenovica, općina Pale za potrebe izgradnje brze ceste Hrenovica-Hranjen-Goražde, Tunel „Hranjen“, usklađena sa važećom prostorno-planskom dokumentacijom i razvojnim planovima općine Pale.
 - 3.2. Da lokacija predmetnog objekta bude izvan vodnog dobra, linije plavljenja lokalnih vodotoka te izvan zaštitnih zona izvorišta vode za piće te da nije u koliziji sa planiranim objektima za zaštitu od štetnog djelovanja voda.
 - 3.3. Da se na osnovu proračunatih količina i sastava otpadnih voda koje mogu nastati na predmetnom lokalitetu uradi investiciono tehnička dokumentacija sistema za prikupljanje otpadnih voda – separatnog tipa, prečišćavanje nastalih tehnoloških otpadnih voda i ispuštanje prečišćenih voda u definisani recipijent. Investiciono tehnička dokumentacija treba biti urađena na nivou projekta za pribavljanje odobrenja za građenje u skladu sa važećom zakonskom regulativom vezano za građenje.
 - 3.4. Investiciono-tehnička dokumentacija treba biti urađena od strane pravnog lica koje ima ovlaštenje (lista „A“) pribavljeno od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20, 63/22) koja su bitna za konkretan slučaj, a naročito:
- Kompletan proračun kvantitativnih i kvalitativnih karakteristika svih otpadnih voda koje će nastajati na lokaciji predmetnog postrojenja sa relevantnim parametrima potrebnim za

- projektovanje sistema za prikupljanje, odvodnju i tretman istih prije ispusta u krajnji recipijent – rijeku Praču. Sagledati mogućnost ponovnog korištenja prečišćene vode (iz taložnog/ih bazena) u proizvodnom procesu (recirkulacija).
- Proračun kvantitativnih i kvalitativnih karakteristika svih otpadnih voda, koje nastaju na predmetnom lokalitetu, odnosno drugih otpadnih i štetnih materija.
 - Tehničko rješenje tretmana tehnoloških i drugih otpadnih voda sa predmetne lokacije sa svim potrebnim proračunima i tehničkim opisom.
 - Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda treba biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka).
 - Tehničko rješenje zbrinjavanja taloga iz postrojenja za prečišćavanje otpadnih voda.
 - Tehničko rješenje za monitoring i način monitoringa zahvaćenih voda i ispuštenih otpadnih voda u definisani recipijent.
 - Tehničko rješenje zahvata vode, mjesto vodozahvata i podatke o potrebnim/zahvaćenim količinama vode za potrebe rada predmetnog objekta - privremene betonare.
 - Sagledati mogućnost nastajanja neželjenih uticaja na kvalitet površinskih i podzemnih voda i dati prijedlog mjera za ublažavanje istih.
- 3.5. Samo oborinske vode sa krovova objekta se mogu bez prečišćavanja upustiti u recipijent.
- 3.6. Usvojenim sistemom prečišćavanja voda treba se obezbjediti da prečišćene otpadne vode, prije ispuštanja u recipijent, trebaju da zadovolje granične vrijednosti emisije definisane u tabeli 1. priloga 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20, 1/24).
- 3.7. Projektnom dokumentacijom sagledati sve moguće neželjene uticaje kako na planirani objekt, tako planiranih sadržaja na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno ublažavanje tih utjecaja.
- 3.8. Projektnom dokumentacijom definisati da se opasni materijal i otpad, kako u toku izvođenja radova tako i u toku rada predmetnog objekta za proizvodnju betona ne smije ni privremeno odlagati na česticu „vodno dobro“, odnosno u vodotok i na njegove obale.
- 3.9. Pri izradi tehničke dokumentacije pridržavati se uslova iz urbanističke saglasnosti, pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
- 3.10. Investiciono tehnička dokumentacija treba biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
4. Nakon izrade projektne dokumentacije u skladu sa uslovima iz tačke 3. dispozitiva ovog rješenja a prije pribavljanja odobrenja za građenje, korisnik prethodne vodne saglasnosti dužan je ovoj Agenciji podnijeti zahtjev za izdavanje vodne saglasnosti na projektnu dokumentaciju za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog pogona za proizvodnju betona kapaciteta 100 m³/h, na zemljištu označenom kao k.č. br. 1230/1, 1243 i dio 2184/13 K.O. Hrenovica, općina Pale za potrebe izgradnje brze ceste Hrenovica-Hranjen-Goražde, Tunel „Hranjen“, u definisani recipijent.
5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20, 63/22).
- Uz zahtjev se između ostalog prilaže:
- Investiciono-tehnička dokumentacija urađena u skladu sa uslovima iz dispozitiva ovog rješenja,
 - Rješenje o urbanističkoj saglasnosti ili lokacijsku dozvolu za izgradnju predmetnog postrojenja izdato od strane nadležnog organa,
 - Rješenje o okolinskoj dozvoli ili potvrda nadležnog organa da ista nije potrebna,
 - Dokaz o izvršenoj uplati administrativne takse u iznosu od 60 KM.
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost za izgradnju predmetnog pogona i ne bude podnesen zahtjev za izdavanje vodne saglasnosti.

7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor „Euro-Asfalt“ d.o.o. Sarajevo podnio je zahtjev za izdavanje prethodne vodne saglasnosti u svrhu izrade dijela projektne dokumentacije za aktivnost ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog pogona za proizvodnju betona kapaciteta 100 m³/h, na zemljištu označenom kao k.č. br. 1230/1, 1243 i dio 2184/13 K.O. Hrenovica, općina Pale, a za potrebe izgradnje brze ceste Hrenovica-Hranjen-Goražde, Tunel „Hranjen“.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

A-Opšta dokumentacija:

- Aktuelni izvod iz sudskog registra broj:065-0-RegZ-24-005803 os 13.05.2024. godine izdat od strane Općinskog suda u Sarajevu - ovjerena kopija,
- Uvjerjenje o poreznoj registraciji od 09.03.2007. godine izdato od strane Kantonalnog poreznog ureda u Sarajevu - kopija,
- Punomoć podnosioca zahtjeva od 24.06.2024. godine,
- Zemljišnoknjižni izvadak Katastarska opština Hrenovica, broj: 045-0-NAR-24-003 178 Zemljišnoknjižni uložak broj: 125 izdat od strane Općinskog suda u Goraždu – ovjerena kopija,
- Kopija katastarskog plana, UR.Broj: 4/1-26-110/2024-6 od 24.07.2024. godine izdata od strane Službe za geodetske, imovinsko-pravne poslove, katastar nekretnina, prostorno uređenje i komunalnu djelatnost općine Pale – ovjerena kopija,
- Izvod iz katastarsko-knjižnog uložka broj 125, broj:04/1-26-109/24-16 od 24.07.2024. godine izdat od strane Službe za geodetske, imovinsko-pravne poslove, katastar nekretnina, prostorno uređenje i komunalnu djelatnost općine Pale – ovjerena kopija,
- Zemljišnoknjižni izvadak Katastarska opština Hrenovica, broj:045-0-NAR-24-003 177 Zemljišnoknjižni uložak broj:123 izdat od strane Općinskog suda u Goraždu – ovjerena kopija,
- Izvod iz katastarsko-knjižnog uložka broj 123, broj:04/1-26-109/24-17 od 24.07.2024. godine izdat od strane Službe za geodetske, imovinsko-pravne poslove, katastar nekretnina, prostorno uređenje i komunalnu djelatnost općine Pale – ovjerena kopija,
- Uvjerjenje, broj: 04-27-281/24 od 24.07.2024. godine izdato od strane Službe za geodetske, imovinsko-pravne poslove, katastar nekretnina, prostorno uređenje i komunalnu djelatnost općine Pale – ovjerena kopija,
- Situacioni plan betonara Hrenovica, R 1:1000, Katastarska općina: Hrenovica, Katastarska čestica: 1230/1,1243 i dio 2184/13- ovjerena kopija,
- Dokaz o uplaćenju federalnoj upravnoj pristojbi na zahtjev

B-Tehnička dokumentacija:

- Studija uz zahtjev za izdavanje prethodne vodne suglasnosti za postrojenje za proizvodnju betona Hrenovica k.č. br.:1230/1, 1243 i dio 2184/13 K.O. Hrenovica, urađena od strane „Zagrebinspekt“ d.o.o. Mostar, srpanj 2024. godine, broj projekta: 01-15-181-VII/24,
- Glavni projekat instalacija vodovoda i kanalizacije za postrojenje za proizvodnju betona Hrenovica, k.č. br.:1230/1, 1243 i dio 2184/13 K.O. Hrenovica, projekat brze ceste Hrenovica-Hranjen-Goražde-Tunel „Hranjen“, urađena od strane „Zagrebinspekt“ d.o.o. Mostar, srpanj 2024. godine, broj projekta: 01-15-114-V/24,
- Revizija glavnog projekta instalacija vodovoda i kanalizacije - Postrojenje za proizvodnju betona—Hrenovica urađena od strane „Euroing“ d.o.o. Bihać, maj 2024. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata, bio oglašen dana 31.05.2024. godine na oglasnoj ploči Agencije i u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

Uvidom u dostavljenu dokumentaciju utvrđeno je slijedeće:

- Izgradnja privremenog pogona za proizvodnju betona kapaciteta 100 m³/h planirana je na zemljištu označenom kao k.č. br. 1230/1, 1243 i dio 2184/13 K.O. Hrenovica, općina Pale, a za potrebe izgradnje brze ceste Hrenovica-Hranjen-Goražde, Tunel „Hranjen“.
- Proizvođač postrojenja je PROMAX STAR- Turska, tip Promax S100-SNG, ukupno instalisane snage 146 kW.
- Predmetnom dokumentacijom je predviđeno da se kompleks opskrbljuje tehnološkom vodom putem vodozahvata sa rijeke Prače. Mjerenje količine zahvaćene vode vršit će se ugradnjom mjerača protoka DN 65 koje će biti smješteno u glavno vodovodno okno betonare. Nakon tretmana vode na taložnicima ista se ispušta u recipijent - rijeku Praču.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje. Na osnovu utvrđenog stanja i provedenog postupka doneseno je rješenje kao u dispozitivu ovog Rješenja.

Podnosilac zahtjeva je uplatio upravnu taksu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 8/00, 45/10 i 45/13). Podnosilac zahtjeva je izvršio uplatu po Zaključku broj: UP-1/21-1-40-270-4/24 od 11.06.2024. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog:

Tehnička dokumentacija navedena pod tačkom B. obrazloženja rješenja, alineja 2 i 3.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- „Euro-Asfalt“ d.o.o.
Rajlovac bb, 71000 Sarajevo, (Prilog),
- Org.jed. 40 – arhiva,
- ⊗ AVP Sava, ISV-vodna knjiga,
- Oglasna ploča AVP Sava